



Број/Број: 03/1-50-1-9-24-3/08  
Сарајево/Sarajevo: 2.7.2008. godine

**Članovima Zajedničke komisije:**

**Šefik Džaferović, Vinko Zorić, Drago Kalabić, Mirko Okolić, Jozo Križanović, Sulejman Tihić, Hazim Rančić, Branko Zrno, Ivo Miro Jović, Dušanka Majkić, Slobodan Šaraba i Adem Huskić**

**PREDMET:** Informacija o sastanku s predstavnicima Antikorupcionog tima NATO-a  
Veza akt broj: 03/1-50-3-751/08 od 24.6.2008.

Članovi Zajedničke komisije za odbranu i sigurnost BiH: Dušanka Majkić, Adem Huskić, Hazim Rančić, Mirko Okolić, sekretar Dragica Hinić i stručni savjetnik Željko Grubešić su, 2.7.2008., prisustvovali sastanku s predstavnicima Antikorupcionog tima NATO-a iz Brisela.

Uime Antikorupcionog tima NATO-a iz Brisela sastanku su prisustvovali: Gabrijel Gascone, Macijel Wnuk, Svend Lilledy i Hugh Edleston.

Sastanku su prisustvovali i Asif Kafrić, predstavnik MOBiH, i Lejla Hadžihasanović, Štab NATO-a, Sarajevo.

U uvodnom dijelu Gabriele Gascone informirao je prisutne o cilju posjete Antikorupcionog tima NATO-a, posebno naglašavajući značaj Zajedničke komisije u sagledavanju problema koji su vezani za korupciju u sektoru odbrane. Interesirao se o pitanjima vezanim za poznavanje stanja u oblasti vojnih nabavki, o pitanju transparentnosti i dostupnosti izvještaja koje predstavnici MOBiH šalju članovima Zajedničke komisije za odbranu i sigurnost, pitanju informiranosti članova Zajedničke komisije o broju osoblja, utrošku sredstava za potrebe osoblja u sektoru odbrane, te poštivanju zakonitosti u oblasti odbrane.

Dušanka Majkić je, uime članova Zajedničke komisije, pozdravila goste iz NATO-a i informirala ih o njihovim aktivnostima članova u vezi s pitanjem borbe protiv korupcije.

Naglasila je da posjetu tima NATO-a doživljavamo kao još jedan korak u unapređenju naših odnosa i međusobnog razumijevanja. Razgovor o izgradnji integriteta i smanjenju rizika od korupcije u odbrambenom sektoru veoma je značajan za nas jer je Zajednička komisija nadležna za nadziranje rada Ministarstva odbrane BiH i Oružanih snaga BiH, Ministarstva sigurnosti BiH i svih policijskih agencija u okviru njega, te Centra za uklanjanje mina.

Istakla je da su članovi Zajedničke komisije u dosadašnjim kontaktima s predstavnicima Ministarstva odbrane i Oružanih snaga BiH počeli razmatrati brojna pitanja koja spadaju u ovu oblast. Razgovarano je o broju osoblja, o utrošku budžetskih sredstava, te o standardu pripadnika Oružanih snaga BiH. Samo u nekoliko navrata dotaknuti su problemi nabavki za potrebe Oružanih snaga BiH. O tom pitanju može se dosta razgovarati, ali na osnovu konkretnih i potpuno tačnih pokazatelja. Članovi Zajedničke komisije nedavno su konstatali da su u njenim dosadašnjim aktivnostima, koje su za cilj imale sticanje uvida u tok tranzicije, izostali i pravi vidovi tzv. parlamentarnog nadzora gdje je moguće ustanoviti da li ima ili ne elemenata korupcije.

U razgovorima su obuhvaćena brojna pitanja na kojima treba raditi u narednom periodu, a posebno pitanja: nabavki za potrebe Oružanih snaga BiH i Ministarstva odbrane BiH, analize revizorskih izvještaja, transparentnosti izvještaja koje šalje MOBiH prema Parlamentarnoj skupštini BiH i Zajedničkoj komisiji za odbranu i sigurnost.

Adem Huskić, Hazim Rančić i Mirko Okolić osvrnuli su se i na pitanja interne kontrole, prijema vojnika u profesionalnu službu, uništenje viška naoružanja i vojne opreme, pitanja donacija u vojnoj opremi i materijalu, ugovora sa stranim firmama, organizacije vojnih vježbi kao i provedenih tendera u 2007. i prvoj polovini 2008. godine.

Tokom razgovora predstavnici Zajedničke komisije predložili su da Antikorupcioni tim NATO-a, u saradnji sa institucijama relevantnim za ovu oblast, organizira seminar o borbi protiv korupcije za članove Zajedničke komisije za odbranu i sigurnost BiH, te da im kroz druge forme rada približi ovu problematiku i na taj način pomogne da s potpunom odgovornošću počnu nadzirati ove vrlo zahtjevne oblasti vojnih nabavki.

Za Zajedničku komisiju: